



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fulvii Androtii Societ: Iesv Theologi Opuscula spiritualia

Androzzi, Fulvio

Coloniae, 1611

Omnia mala pœnæ originem habere à Deo.

[urn:nbn:de:hbz:466:1-48641](https://nbn-resolving.org/urn:nbn:de:hbz:466:1-48641)

vt notat S. August. sciebat à Dæmone, ne pilum quidem tolli posse, sine voluntate & potestate Dei. Sic Dauid contumelia affectus à quodam suo subdito, eam tanquam à manu Dei profectam suscipiebat. Vnde in quodam Psalmo inquit: *Domine, opprobrium insipienti didisti me: obmutui, & non aperui os meum, quoniam tu fecisti.* Et alibi: *Domine, imposuisti homines super capita nostra.* Et omnia bella, ac iniurias ab inimicis acceptas, attribuit Deo.

Psal. 66.

Psal. 38.

Matth. 10.

Scriptura tota plena est, quòd Deus immiserit & immittat pestē, bella, caritē annonæ, & omnia alia mala pœnæ. Et si ne passerulus quidem cadit in terram sine voluntate Dei, vt est in Euangelio, quomodo citra voluntatem Dei homini fiet iniuria? Et si ille rationem habet minimi hominis capilli, cur non habeat aliarum rerum?

OMNIA MALA POENÆ
originem habere à Deo.

HÆC res tam vera est, vt si quis pertinaciter assereret contrarium, futurus sit hæreticus, quia repugnaret Scripturæ.

Amos 3.

Primò enim Propheta dicit, non esse malū in ciuitate quod nō fecerit Deus.
z. Dicit

COMMVNIONE. 169

2 Dicit Deus per Isaiam Prophetam.
Ego Dominus, & non est alter: formans lu-
cem, & creans tenebras, faciens pacem, & cap 45.
creans malum.

3. Idem dicit Deus per Ierem. Ecce ego cap. 11.
inducam super eos mala, de quibus exire non
poterunt.

4. S. Iob dicit: Si bona suscepimus de ma-
nu Dei, mala quare non suscipiamus? cap 20.

5 S. David petit à Deo illuminari, vt co-
gnoscat omnia mala ab ipso proficisci,
dicens: Vt sciant, quia manus tua hæc, & Psal. 108.
tu Domine fecisti ea.

6 Dixit Dominus noster ad Pilatum:
Non haberes potestatem aduersum me vllã,
nisi tibi datum esset de super. Vnde cum Ioan. 19.
Iudæi ipsum caperent, potestatem illis
fecit capiendi, Apostolos autem capere
non potuerunt, sed nec pilum illis adi-
mere, quia potestatem non dederat.

7. Ait Augustinus in libris de Ciuit.
Dei. Tam bonorum, quàm malorum
afflictionem Deo attribuendam.

Et in Psalmum nonum dicit, omnes
pœnas, quas patitur homo, in diuinam
providentiam referendas. Et lib. 8 de
Ciuit. Dei, cap. 2. ait, bella, & expugna-
tiones vrbiũ esse à Deo. Et rursus lib.
5 cap. 11. dicit, nec folium arboris sine
voluntate diuina moueri. Ac in Psalm.

I 148. affe-

148. afferit, quicquid in hac vita contra voluntatem nostram contingit, procedere à Dei voluntate, prouidentia, ordine, nutu

Hinc liquet, quanto in errore versentur, qui dicunt: Facile æquo animo sustineo, quæ immittit Deus, at non possum ferre illata ab hominibus.

RESPONSIO AD QUANDAM
obiectionem.

Possesse obijcere aliquis. Si Deus est omnium malorum causa, est etiam auctor mali.

Respondetur, Duplex esse genus mali. Alterum culpæ, cuius Deus non est auctor. Alterum poenæ, ut est morbus, pestis, bellum, caræ annonæ, terræ motus, æstus, frigus, & alia omnia, quæ hominem affligunt, & horum auctor est Deus. Verbi causa: Afficit quis me iniuria, verberat, spoliat, infamat, duæ hæc res sunt: Peccatum eius, quia hæc facit, & hoc est contra voluntatem Dei, qui permittit quidem illa fieri, sed tamen displicent illi. Deinde est damnum & poena mea, & hæc debeo suscipere à Deo & non ab homine, quia poena illa conueniens est voluntati & ordinationi diuinæ. Vnde, quòd Christus pateretur, fuit voluntatis diuinæ, sed non, ut le-

COMMUNIONE. 171

dei illum occiderent. Illinc passio Deo fuit gratissima; hinc verò, ratione actionis illorum fuit execranda & abominabilis.

REMEDIA PRO IIS, QUI IMPENDENTE aliqua tribulatione turbantur.

PRIMUM, Cogitare, Deum esse fidelem, qui non permittet eos plura, *Cor. 10.* pati, quam sustinere queant, ut docet S. Paulus.

II. Cogitare de malis præteritis vitæ superioris, quæ aliquando visa sunt, antequam fierent intollerabilia, & tamen gratia diuina opitulante, superata sunt. Sic Deus quoque impertiet gratiam, ut superemus futura.

III. Considerare aliorum exempla, maxime illa Sanctorum. Quis non existimaret S. Petrum perterrefaciendum, si ei dictum esset, ipsum crucifigendum capite in terram verso. Et tamen hanc poenam ipse elegit. Similiter de S. Bartholomæo, quod esset excorians, & alijs Sanctis dicendum.